

Չաթու²⁰ պէրէ՛ք— կցան²¹ անէնք,
Ծու պէրէ՛ք— թաթէր դնէնք,
Յէղ պէրէ՛ք— վարսը քսէնք:

Գորիսի տարբերակ՝

Ճօլի, ճօլի, մէր ճօլի,
Սըվը քէթկալ, մէր ճօլի,
Սըվը լէշակ, մէր ճօլի...

Ճօլին յէնկալ ծօվը...
Ծօվը ծիրանի դառալ,
Չօրս կօղմը հիլի²² դառալ...

Կութանը ընչօտալ ա²³,
Մըկըկնին²⁴ ա կըռըզնօտալ²⁵,
Մըլծըլօցան²⁶ էք բըզարալ,
Կըթկըթօցան²⁷ էք բըզարալ...

Ծու պէրէ՛ք— թաթին տընէնք,
Յէղ պէրէ՛ք— վարսը կըցէնք,
Ալիր պէրէ՛ք— փիթի²⁸ անէնք...

Դուրս են կանչում կին-առե, որը ընկել է ծովը— երկինքը ծով էր: Հա-
վաքած ձու և յուղով պատրաստում էին ձվածեղ և ուտում միասին:

Յանքսերը ամեն պատահարից ազատ պահելու համար արտի մեջը տըն-
կում էին օրփաքարնօր՝ ուրբաթարուր— բոշնի փայտի երկճեղ ճյուղ, մոտ
90—100 սմ երկարությամբ, որի երկու ճյուղերն իրար դիմաց կորացած՝ իրար
վրա ուղորդում էին: Կազմվում էր մի լայն օղակ: Պատրաստում էին մեծ պասի
վերջին ուրբաթ օրը և թաթախում Զատիկի ախարի՝ մատաղի արջան մեջ: Հա-
վատում էին, որ թե՛ բոշնի փայտի և թե՛ մատաղի արջան զորությունը պիտի
պաշտպաներ ամեն վտանգից և մանավանդ աչք տալուց՝ չար աչքը կդիպչեր
օրփաքարնօրին և նրա ազդեցությունը կչքանար: Մյուս կողմից՝ հասկն էլ
կձգտեր հասնել օրփաքարնօրի բարձրությանը:

Նույն նպատակով և մանավանդ մորեխից և մկնից արտը պաշտպանելու
համար կանայք մանավանդ Համբարձման²⁹ օրը կաթնավ մատաղ էին բերու-
մ և մատաղը թափում արտի շուրջը:

²⁰ Չաթու—հաստ պարան:

²¹ Կցան անել—հանգույց անել:

²² Հայելի:

²³ Ժանգոտել է. ունջ՝ ծանգ:

²⁴ Մկները:

²⁵ Խուճուճացել է, զանգուրացել անգործությունից:

²⁶ Մլալուց:

²⁷ Կրկըրցնելուց:

²⁸ Փոքր բաղարն:

²⁹ Տոների անունները գրում ենք մեծատառ, որպես հատուկ անուններ (ծան. խմբ.):